

道光三十年六月十日

奏

50



臣翁心存跪

奏為恭謝

天恩事道光三十年六月十六日內閣奉

上諭翁同書補授右春坊右中允欽此竊臣身依

禁籞世受

國恩既無經術之詔更乏義方之教臣子同書質

慙樗散學媿榛蕪渥蒙

宣宗成皇帝逾格鴻慈由編修

簡放貴州學政

彤廷奏賦曾邀

賜綺之榮黔省掄材疊拜持衡之

命纖毫未效隕越增虞茲復仰荷

恩綸擢補右中允甫學肄三於宵雅原隰駢征叨陪  
第七之

屬車坊階驟歷凡此

寵榮之溢分非臣夢想所能期惟有共矢丹誠勛勤  
素守退思補過庶承清白以傳家訓懍教忠匪  
僅文章之報

國所有微臣感激下忱謹繕摺恭謝

天恩伏乞

皇上聖鑒謹

奏

道光三十年六月 七日



